野

獲

編

補

遺

好 <b>美</b> 編輔豊へ8三旧織 刑部	解軍	家丁	武弁僭服	倭患	成帥懼內	請武舉殿試	武廟與廢	兵部	野獲編補遺卷三目錄
<b>**</b> ** ** ** ** ** ** ** ** ** ** ** **		土兵民北	武職比試	軍令剖腹	武弁之横	刺軍	武臣刺背		

疏論李情	一一事	臺疏譏謔	苛求姓名	御史墨敗	毫省	天順議罰之異	唇及父兄	癸卯妖書附續憂危	山人蜚語	F17 7 4717 77 1 1 1 1 1 1
			御史阿内侍	科道互糾			賭博厲禁		戊戌汤書附重列围範序	

督撫	論芝	正德二歌者	太極	佞倖	算學	歴法	光禄官竊物	劉文泰	
		名臣一事之失	兩六卿之進					馬從謙	

元夕放燈	<b>畿</b> 輔	命婦以妒受杖	婦女	周解元淳樸	士人	監司創勢家	<b>司道</b>	羅汝敬	周文襄	
内府畜豹		南和伯妾		沈祖量					白冤	

野獲編補遺、卷三目錄		契兄弟	風俗	淹九	安樂堂	建酒樓
目鉄					門官不避諦	禁歌妓
<b>扶</b>					[M]	

,

與國學 唐高宗上元初封太公為武成王 哲以從配尋加七十二 野獲編補遺卷三 間叉升張良配享殿上 北川之子り 生日 手手甲 西向旗 兵部 秀水沈德符景倩若 武廟 興廢 起吳起各爲之首凡七十 相對未幾幸廟以白起殺降命去之至微宗官 范蠡韓信李靖郭子儀 7 33 . . . |弟子朱太祖初即位即詔修廟 一以管仲孫武樂毅諸葛亮李 桐 鄉錢 一開元間始置亞聖 東向為上 枋爾載輯 失荡山豆 哲而 兩

建文四年 廢武學天 如前 郭 古者學必有廟乞將武學餘楹改為廟使知 子儀 精 無無 義 故 進 一許之而太公不得祀 ·正月始建京衞武學及教授等官景秦 公從 順 一年復設成化四年用國子監丞 不明備至詔修太醫 神農黃帝配位 設武學仍建武成廟上謂是歧文武為 増 師 一廟而廢武成 彬 個 院三皇廟仍釐 至本朝 故也嘉靖間世宗 廟弁武學不 融風后 洪 間 P 閍 醴 設 禹 部

學太窄請拓其制改建於大興隆寺故址上 仲春仲冬上甲日遭大臣行禮者爲合葢幾與文宜 樸子葛洪巢元方眞人孫思邀藥王常慈藏啓元子 兩無殿日景惠門日咸濟性用太牢器用簻豆簠簋 應工扁鵲倉公淳于意張機華化王叔和皇甫謐 部共議皆言宜做唐制立武成王 乙朱眩劉完素張元素李果朱彦修十八人從 子黃石公李廣趙充國朱將則增 而武成之 **公雷公馬師至十** )廟直至嘉靖十五年四月兵部議以武 命會 抱

盡 像慈聖 朝 詩 聞 今鄭州立 則徐達常遇春張玉湯 末年用故将 武 於是文武 車 臣刺背 國 派 **駕幸學之講武殿大閱** 加 , 膊有效遂鼎 四字於背其與巡撫侯汝諒戶部管偷 三皇 藥王 兩廟并醫王凡三 楊 廟專配扁龍葢扁故鄭人也 照為遼東總兵官照感上知 然新之 和 香火繁盛為畿南冠 配享 大爬県立於京師矣 一九之即命擬議圖 每年夏秋致祭至 然能 遇湟 郎 駒 中 仲

アピをすけらりなし病でしている 郎黃稍為白簡所攻亦自疏言背有盡忠報 問盡孝美事然效響不已亦成 過也按刺背 戰歿無子有母貧不 給米三石復其家此界別曠典然以屬各邊北 一雖不罪 胡 上怒命本衛 神彬 正德問 而天下至今嗤笑葢 舉兵其徒皆支背日赤心護國誓殺 錦云衛匠餘刁宣自言背 事始於宋岳少保 仗 免機寒巡撫王之語以聞 而成之嶺南至嘉靖初南 元言惜黃楊之1 5成故套胡仲 至照 元順帝末年杭 舸 大场山野 國字 割

其疏於兵部時余肅 丽武舉設科. 可然不敢逆直遂條上大略選武臣嫡子就儒學讀是何同英國公張輔文武諸大臣及科道議之衆知 刻錄立碑 化十 射鄉試以九月會試以三月初場試射二場試論 -四年官官 得禍須有術以緩之乃密奏上內批出 宜人 四月初 如進上制時萬文康當國心知+、上 鄉 **敏為大司馬不敢決請廷臣集** 試會試殿試悉如進士恩例 擅權. 般試賜武學及第出身思榮 下

趙皇後從劉錡敗兀朮 爭之不從南朱有八字軍自刺其面云誓殺金賊報效 獨此事調停最妥然至宏治中畢竟行之但不殿試 朱健兒刺面以防逃逸韓琦欲刺陝西義勇手司馬光 靖十九年兵部請武舉鄉試上以累科未見得人 北 乙給事中王夢弼請六年 以孝宗親禮儒臣四方凊晏猶不免爲纓弁破格今南 多事武夫俱有躍冶之心或議及殿試未可知也嘉 提學具奏起送事方得止文康生平以阿娟 刺 軍 順昌者是也然未有刺臂 舉亦不許未久復行之 唧 铁荡山 八命 八

太涌與成 不許武人不學妄議至此 四字景帝 戚 勝者得保家產四勝五勝者左右臂各刺赤心報 師懼 重黔刺太 泰中武清侯石亨為總兵請征勦也先軍 因幾至絕配其說甚備內所稱 八導之 元敬少保生死交也戚殁而汪志其墓述 內 亦與戚相伯仲即汪長君無疆爲其婦 日碩軍勝廚刺字是刑罰加於無罪 一品者是也 可 所

指揮 此 美之三明 4月上生 洪立 避道杖之為巡按御史段信所劾其時 於健兒其時縉紳道喪可為短氣又宣德間寧 又二年為景泰元年 武弁之横 綱 **愈事陶忠初擬斬未幾景帝宥之** 功而已都司之賤又如此夫以五品刺史反 河南 品服俸竟不 12. . . . . . . . . . . . 鈞 **寧都指揮** 州 人以進士起家出守凡歴 萬全參將 遷致仕歸然 楊峻以挾私杖 則甲 <del></del>
合
随 都 父昌 協山 郡 司之 州

其境 顯 者 城踰歲方去其慘毒 興化城逃出婦 倭崽 倭犯朝鮮中朝 今劉 興化府偽為 掠淫态更倍於倭 新 綖 妻 父也其在東南號為良弁然御軍全 那當時典制 年少姝麗亦為顯 個 軍赴救城中開門納之倭遂 兵力救之 顯軍即掠奪 項間 不必言其時立功大 難解矣 談 時大帥非人 所 及嘉靖癸亥 即 八將如劉 無

降參將 能 **憋為督府即以便宜拜守備踰年至參將然性倔强** 功其後朝鮮之役亦以凱旋為時向用方倭事起時吾 鋒先奮身應募以貌備充隊長 郑有朱先者以販鹽拒捕傷官兵論斬會募壯士 漢編補遺 松土 林 事上官俄進副總兵被臺使白簡論斬久之事得白 如沈希儀俞大猷戚繼 一卒得其死力閩人愛之以年至請老優禮允歸 ,再進再謫終爲福建大帥廉勇善戰有惠愛能 四壁蕭然佝健無恙余幼熟識之其同時立 同為江陵 公器重其子紙從演點起屢奏 光皆以征倭 日馘倭十二 取富貴 (能結 (胡襄 前

倍償之軍 杊 襄悠提兵在吾郡時有 汝當抵償 酬其值 表章戰績遂爲世 軍合 武 卒力 諸 一殿之 中股 剖腹 弁下竟沒沒無聞惜哉 了酤者點 且痛殿之 胡笑以為 辨云無之 栗不 一酣者 所修 立剖 然謂酤者 胡不能決時徐文長在坐 敢肆徐以青生 健 不能不 兒買 之 則鮓 配肆 腹中 訴之行臺 倘 艀 將軍有 一
有
療 有 酒 肉鮓 鮓 胡立 則 酤 飲 謂 者 赕 命 前 爾

**子隻扇甫貴又**矣二二 卑 今武弁襲替至京比試徒應故 **秋武人今健兒荷刀戟者無不以為常服偶犯合** 揮僉事而 例謂環衛近臣不比他官概許麟服亦稱世宗西 品采章辱褻至此 衣受縛宛轉於鞭撻之下少頃即供役如故孰知 (知事在景泰四年錦衣指揮同知畢旺疏援永樂 武職比試 則無不 術欽定品級概 服麒麟者人皆謂起於嘉靖 服獅子至錦衣自 扶荔山房 施 間

等候飲管事中等帶俸差操下等與支半俸候第一 撫按覆閥韜鈴貫通弓馬嫻熟者為上 遇襲替年及二 應襲舎人年十 再考赴部覆比二次不中者照邦政例仍支半俸三 小中者革發為軍別選子弟襲職奉旨依擬行按 者俱企紫銀青而歸徒糜廩餼緩急不得絲毫之 史陳將材 檢得隆慶二 A TON ATT 為次等韜鈴弓馬俱不習為下等送部比試 一年二 一十應比試者學臣者韜鈴策 節而申明之請飭各撫按督學憲臣將 五. 以上資質可造者送學充附作養 一月十二 四日兵部題浙江巡撫趙 |等韜鈐疎而 道轉送 都

善戰者多以首功自奮問主登壇亦有以降虜效順者 之莫邪都楊行密之黑雲都楊帥厚之銀鎗効節都 平壤大捷李如松以平殄在邇不欲他兵分其功曆 始盛至沙陀以健兒為義子而極矣今西北將帥所蓋 知廢於何年而穆宗史亦不載何也 武弁考核最嚴亦最恕人而不廢此輩必思自奮竟 稱驍健近遼左李寧遠專仗此樹勳癸巳 丁葢昉於唐季藩鎮如田承嗣之魏府牙兵目用之 ,其麇餼衣械過額兵十倍每當大敵用以陷陣其 失荡山房 朝鮮之

關宜選民兵之 昇者積勞已至副總兵隻身殿後戰歿如松始得脫 **里買買妓并為製奩具共費干金賜之至是以死報云** 初爲健兒昵 (營伍兵少|而延安慶陽邊民驍勇習見胡虜敢與戰 兵之設始於成化初年巡撫延級都御史盧祥建 而此法遂廢今內地所謂民 工兵民排 干人夜至碧蹄館遇伏 訓練之土兵强盛時毛里孩入寇為之退却 **妓因違合失期當斬如松惜其勇因** 北者編成什伍為土兵量免戶和凡 、壯者始於正統已已之

華誓師 所 春 愈徒供迎送之用然正德季年王文成尚用之以 殲歸 **叛沿至今日竟列興皂之中捕拏民犯虚費工食毫** 矣然延綏之兵至今為諸邊冠他鎮則不然以故嘉靖 |秋訓練遇警調用宏治||年復命行之此後照例 薊州練兵終不能成列王思質中丞以此坐重辟 用各邊將領又專倚家丁為鋒銳并土兵亦久不 戚少保繼光為帥反用浙兵於薊由是精兵稱 非刑制初招募時器械鞍馬俱從官給地方有司 } 亦時勢使然若上兵之在東南則倭警時趙文 浙江議合鄉官領兵團結出戰又查籍閒 大字儿子 編 朔 百

造 **家温而喜啖飲久往來予家** 萬畝 如 解 不然曾記幼年侍先人邸中有吳江 趙之說葢欲借以籠桑梓張威腷尤舛謬之談也 者舉家震怖哀號至有因而抵罪破家者近年 軍 嚴父防之如大敵尚恐中途逃逸相累其踐更得 **謂鄉納為帥督責未便且閒田出於何所事遂得** 解軍 以赡新兵時蒲坂楊 役以本圖里長充長解先為娶妻備貨裝事之 乃捕役妄指平民為盜發遺遼東三 裹毅新從薊遼召領中樞覆 日忽至耶舎問之則解 H L 則租

何 而荷戈之人優游 逃 伯亦旦夕至矣先人 亦隨在門外先人語之日愼勿再來倘此犯逸去奈 長解自充軍犯僱 關故反早還因與丁作伴南旋近間中途亦有逃者 衛收管領批報命時竟還桑梓彼處戍長以 罪當 來則批迴在手其人到伍先從間道遁歸不 不顧介之入叩頭自言姓王受丁恩不逸也去甫 一姓者獨至邱求見先人駁問之云已訖事 及己不敢聲言且利其遺下 (細詰其故第笑而不言叉匝 更無誰何之者向來長解 一男女一 為軍妻一 口糧潛 爲解 扶荔山房 八聚秦 由 伍 山 週

大游 山 逃 王建中特疏糾之內云新爐揑造飛語以鄒元標雒 李沂梁子琦吳中行沈思孝饒伸盧洪春李植江 夫亦有與之暱者時為今上之辛卯冬刑科給事 刑 叛必告所在官司 人樂新爐者 公卿問多造口語人多畏惡之然頗有才智以故 ılı 部 一自蹈重典者比比抑何淵 追 捕 即興留之然後於 、本監生也來京師以捭 張程蔡系周胡汝寧陳 也

教習 爐 身 鼎 豧 愈事 組馬 村で丁明日日はまり、おこれ 思故爲 蘇 師供同里 又喬諾 自 李琯改作參申閣下水稿并與原任給事 思李春 彽 州 有 吏科 人首 辨其易與否不可知而吳吻儇 勒之具伏 諸罪狀上 鄉交好講 獨 開爲 若要此道昌去了八狗與三羊 揆申爲會試大座師次揆王 給事 臣爲人所易致招詞中遂改入 因在言路伉直不附 狗 禪學及他諸 中謫爲幕僚上 楊 知楊文煥楊 不法事 枷 疏自白其冤云 二相被貶今 成之尋死 為庶常 扶荔山房 一命逮 嘲馬 聽 新

刻 傾險 Z 新吾司 且爲之序光 戊 刹 人戊調書 有素矣 順 疏繼之非王始禍也新爐先年會入大璫張宏 契厚馮保之得罪宏授意新爐以轉授 疏 寇初 次第 天通判 *S* O 刻閨範 新 豔 周宏 爐事先為東厰所發已得旨 昭 喻建 言疏中曾發其事 葢新 時期士 行京師未 年癸巳大計以 爭購置案 人而皇貴 頭亦 訊 鞫 嘶 妃 謪 重

縣鬥王衡者繼之舉朝駭愕盡以首篇明德馬后進 宇 後と初前は人 とこ 危 諮與張新建 山爭爲少宰俱 寇其語深文 呂包燕剛心有敬宗林市之謀而前任御史今全 而疏尾 新建為沈報復矣吕先有疏其硃語為直陳 远議以譏切之其云燕山朱東吉者跪名也竟不 人所造义書本名開範易名開鑑亦不 云敬 礙眼耳其時 一雜引在事知名大臣數人以實之於是 不得而沈獨見逐沈與新建素厚日遂 上憂危之疏以故跋語之前又標名云 左者遂指及之前二年吕與秀水沈 有爲圖說跋者又專攻日 知出自 扶荔山房 椒 何 规

婦女勃豀俱不足憑也疏思預開與否則冥冥中有鬼神營之 明皇貴妃 性 重 範改 於後至若吕刻書之 刊閨範序 不敏幼承母師之 鄭重 者萬化之原自古聖帝 多見矣恐國史他日未必全載本 本人間尚行 刊 閩 範序 恩送倘九嬪之 訓時誦詩書之言及 有成心與否張相 妃所 刻原本及 明皇咸慎重之子 鄭畹 於 衡

皇上諄諄誨以帝鑑圖說與凡訓誡諸書庶幾勉 學天人共悅疑義盡解益自勤勵侍御少服 廣是心公諸天下求諸明白易簡足為民法者近得 我慈聖皇太后女鑑莊誦效法夙夜兢兢且時聆 **微功前因儲位久懸脫簪待罪賴乾剛獨斷出** 倚蒙帝眷誕育三王暨諸公主悔切点號問 厥德以肅宫閣尤思正已宜正人齊家當治國欲 **獲編補遺不卷三** 氏坤開範 |溯唐虞三代下迄漢宋我朝賢后哲妃貞婦 一而足嘉言善行照耀簡編淸風高節爭光 書是書也首列四書五經旁及諸 **扶荔山房** 無圖無 則敬捧 閣講 推 修

章聖之女訓藉合繼是編 勵則是圖之刻不為徒矣因敍厥指以冠篇端萬歴 教與養耳斯世斯民有能觀感興起毅然以往哲自 金販濟今觀閨範圖則用廣教言無非欲民不失止 頒布中外永作法程嗟嗟予昔觀河南饑民圖則捐 事也獨惜傳播未廣激勸有遺願出宫貲命官重梓 明 Î 一十三年乙未七月望日庁 月点所謂扶持綱常砥礪名節羽翼王化者是已 詞約眞閨壼之箴鑑也雖不敢上擬仁孝之女 人繪一圖 圖敘一 而並傳亦庶乎繼述之 事附 一贊事核言直 誠 理

故直坐張主使而御史趙之翰 大權主使之則明指張新建矣蓋士衛曾為新建 縣疏承恩以為遠臣不宜構此大逆必士衡之黨大好 但圖說第 旨位冠帶開住第二旨謂張位倡言爲首著革 建實造此謀而同謀者則劉楚先劉應秋徐作萬建崑 何故戴給事既疏參吕司寇矣承恩辨疏即以跋語爲 買如舊序妃兄鄭國泰之伯鄭承恩重刻今行於 於給事之筆此仇口往復之常亦無足訝惟是樊 生之三州·旧号】 A大1111 上怒盆不可解不兩月張相遂借東事見逐 段明德馬后居首者今已删去不存 疏叉附會戚畹謂 9 扶 冠帶 荔 知

與貴 近得吕氏閨範 益直用周之翰及承恩疏中語矣○鄭承思上 刻辨冤續言盡 東言得閨鑑圖說讀之數日日先生 妃所看於是臣下 起上 矩回奏云以東事打發上意始解 鑑圖說跋 頒 |密旨忽間陳矩張位怎麼打發了葢舊 自內府重 載貴妃序并跋矣承恩辨疏云圖 書而已而明旨忽下云閨範是股 有其迹矣一 緘口不敢復為戴樊陳冤至 加再序即貴妃序中亦不過 一念之差情固可 一為此書也雖 一疏後 無

矣恩厚則報斯隆身為大臣胡忍自處以薄或 社の利用は日本 塚未嘗 知其二十十日欲得銓部以行道誠恐秀水捷足勢迫 以來有官間與見任大臣刻書者乎破格之恩良 明進朝廷頒行內外乃奴顏戚畹豆不失體日孔 聖人也佛肸應召南子請見志在行道登得為屈 無奈遂諾觚生之計邀內禁之拨出門有功詩書發 稱脫簪勸講毋乃巧為始乎日公言誤矣曾見從古 ,素講正學稱曲蓮胡忍輒與逆謀日君知其 吕序中直擬纖述先朝母后置太后中宫何地 不出於正也或日日意廣風化胡不將此 ---夫易山房 H

说 亦值 内被災中 以取之若進 叉引先朝 擬得無 取漢 人進位 其會耳或日 女訓 中 減膳 倫 妃敬賢之 官 此 明德 以妃進后事機将 偶然相類彼 五. 簤 極 今賢后 四匹 恐 后 誠何心哉 多矣胡圖 矣明德 幣十 是 但求 釆 訛 兆 彼

此 況此 魏微天下才也子糾建成均號國裔人各有見子 平天子今內廷咸睹縮舌是亦不可以已乎日管 自招何若不言之愈也或日固矣問吕所進金龍 責備太苛或日日之為此本謀銓部行道今銓部 書稱在長之命不過清淡藩王稱在三之命異日太 奉冊立將屬之誰若歸此則前功盡棄歸彼則後 危寧踰太子竊見憂危疏中列天下事備矣胡獨 朝門無乃欲葢而彌彰日憂危一 日公何見之晚即夫人意有所專語有所忌倘 副急淚何可遽得安得而少諸或日國木 疏人稱忠肝義膽 ことり「五五万

也夫 鄭公承思鄧公光祚洪公其道程公紹白公所 蛙見矣當世名人若張公養家劉公道亨魏公允员 陋所能為記事尚未定策國元勳終有召起之日 公亨皆稱吕所見極高所舉極當成舉春秋大義 何限豈宜以成敗論英雄哉流芳遺臭斷非凡庸 日日之為此人皆薄之子獨與之何也日子真 有非常人斯有非常事古今成則王敗則盗 司寇不能安不終付浩歎平日有是哉子之 說共建社稷奇動夫唐閥執命天子

福 <del>加</del>立再 東宮未建自乙酉姜給事應麟孫比部 之士豈知國家上 跋 揭被疑癸巳春王 君抗疏後無歲 王不繇羣臣建白天下共曉然知聖意久定特不 癸卯妖書 吕先生爲此書特其一 能難唯唯而退因後筆記之燕山朱東古顿 二緩期至辛丑年而明旨忽從中下立東官封 **大計宜從此三** 太倉以並封被議上 以建储為請至王辰春申吳縣以 念之差情因可原也或 三級無日取禍可也 如法沈吏部 一数言者滋甚 トトケーリョラ 璟

於後 臣 質之其立意甚毒造語甚巧而其詞旨甚不經時 覽 萬歴三十 **奏稱辦事蔣臣等訪得國本攸關刑書** 舉朝泉沸僅捕缴生光服上 續憂危竑議院 造標之人終莫能明也余向已述其概今錄全文 **陡起復借改易東朝爲名而指朱次揆姓名** 以爲功耳至癸卯歲則震方久安者已歴三 年十 月十二 |日提督東厰太監 刑聊以塞責完局 本封進聖 市売山長 够 年

子が養婦用用を見ていること 愛者子抱鄭贵妃之專權囘天轉日何難哉 憂無復可慮矣而先生常不豫何也鄭福成日是何 或有問於鄭福成日今天下太平國本已固無復同 日改易之意也日改立誰其當之日福王矣大率母 沈相公之請不得已立之而從官不備正所以寓他 夫東宮有東宮之官 無邊欄續憂危竑議本書第 國本攸關本書用缸連紙刷印皮面上簽是此四字 亦太甚矣先生之言也得毋謂儲官有未安乎曰 官不備何以稱乎皇上迫於 張第一 一行是此五字 扶 荔山房

富貴而趨死亡乎或日衆附姓名可得數否日余數 亂 意也日是固然矣朱相公 者皆是豈有相公倡之而衆不附者平且均是子也 必用朱者葢朱名賡賡者更也所以寓他日更易之 公國賢而又有鄭貴妃主之於內此之謂上 )熟矣文則有王公世楊孫公瑋李公汶張公養 則有王公之楨陳公汝忠王公名世王公永恩 可立而次未必不 乎日陋哉子之言矣夫蟻集羶蠅逐臭今之仕宦 之日以用朱相公知之夫在朝在野固不乏人 可立也侯之門仁義存誰肯 一人安能盡得衆心而變

武王之意也日然則何以知此數人之所爲乎日數 其身而已乎故有王世楊陳汝忠則靖難之兵取諸 借相 公之餘光者況有以故徠之乎日然則事可 志朱公私人也而二王者則朱公之鄉人也無不 孫瑋于保定則扼天下之咽喉四方勤王之兵無由 公皆人傑無不望分茅胙土如姚廣孝豈其富貴終 所謂有婦人焉九人而也正合文王舎伯邑考而立 THE REPORT OF THE PARTY OF THE 至矣有王之楨則宿衞禁城有人誰能斬關而入平 **京營而自足矣有李汝則三邊險要有人控之矣有** 日是固然矣若張養志王承恩王名世者何歟日養 失荡川寿

**野狼絲補道**、 第 故覈實之時合親家史起欽抑其功而不錄王之楨 **豈其才力出諸菜傭下哉葢沈相公欲右郊而左** 舉大事何謂無成或日蛟門公獨無言乎日蛟門為 平日必濟庸人倡議人份景從而此數公皆人傑也 不染何以見其然也夫錦衣僑西司房類奏有名 以默授之也日然則子何以處此日天之所與不 有類蛇與鄭矩朝夕此周於帝前以爲之主 陰賊常用於人故有福己自成之有禍則規避 來無有不陞者而皇親王道化本內有名竟不 天之所廢不可與也余止 共

與漏王所謀必成前之詭名朱東吉亦是此意其時文 此 武要津各緣天怒以報夙仇如緹帥王之楨亦何足言 **真所謂交亂四國豺虎不受者曾聞一** 楼編補遺入卷二 妖書立意踵前圖說跋而作故名續憂危竑議 故大司馬洛之第三子素狡獪無賴先於壬寅年 郭江夏沈歸德諸公俱幾不保首領實此書爲之 傾陷者別是 **乎或人唯唯而退萬歴三十** 者質爲之其意借以傾其同類不虞貽禍至 番人耳所云鄭福成者則指鄭貴 鉅公云此錦 **杖荔山房** 此

毫無怨隙何以作此伎 棍 者快之 嘉興府之平 年松江董幼海少宰以御下 奴輩共手刃之俱自首正法葢怨毒之極甘心抵償 亦相疑但趙以布 奴婢弑 亦畏惡之其後患惡疾不起五官俱潰喪始 ·楨手趙爲浙之樂淸人生平甚口好訐以故 以爲報應理或然與都下之人又有云出 逆 湖陸生 衣能書遇入文華殿與所指諸 號 倆是殆不然 一旗者 過苛為羣僕所發割 亦世家之裔酷遇 自 近

則 **挈貲逸去不數日臭達四鄰烙戶見尸認爲女子咸謂** ·也年甚少性淫而佻棄其諸舊僕獨與愛婢春桃嬖 。雖始拾潘生殘骼以歸葢淫虐之 殺婢逃去官司遠捕踰牛歲始得 朱廷及廷妻金氏入金陵婢與奴私通甚暱懼主知 更奇矣且俱在三吳一方可戒可戒 加罪與金氏共三人殺潘割其陽道去其雙趺之牛 **云父子兄弟罪不相及往年甲申刑** 辱及父兄 七年六月南監生潘文錫者湖州人 得禍如此而潘 |弑逆伏法其家 部 1 尚書 大场山房

**曼延間閣其穢令人掩耳矣** 以發蹤人功推江陵而以狗功自居又云父訪察充軍 兄人命擬死父子兄弟濟惡不 **个天下賭博盛行其始失貨財甚則鬻田宅又甚則爲 《窬浸成大夥劫贼葢囚本朝法輕愚民易犯宋時浮** 科官詞林亦名士也自是而後彈章所指誣及家門 |年閏二月太宗下令開封府凡坊市有賭博者 賭博厲 相江陵子孫而御史李植劾其往年自敘河 補遺べ卷三 禁 才則太甚矣潘兄故 计河上厂

犯 英宗復辟後刑賞最為失平而殺人抵償更有 赌 注 然 郇 統 者運糧日外矣今此法何以格不行僅從初制擬杖 間大興知縣馬通建白治賭博之法法司覆議 博者亦當加以內刑如太祖初制 **駭者今聊記一二如天順二年九月有湖廣常德衞** 東上の有階階者將連 加重者不過柳示何 度日間市内としていた。 而 輸去者按洪武二十二年聖旨學唱的割了舌頭 打雙陸的斷手蹴圓者卸脚犯者必如法施行今 順議罰之異 聊 解其腕可也〇正 扶荔山 極倒

年 其情 所部殺之事覺所部七人皆瘐死忠 誠奏鞫凌遲處死刑部郎中許振 四 月近 使 夏瑄殺 願 滅 瑄遂得復職誠以失入人 代父刑且謂父殺家奴非僱工人都 川衞指揮 御 論 依 紋後瑄 タニ 已以居 命 郝淵之謂殺一人 有忠發充甘肅衛軍夫殺 數陳訴冤法司俱置 有忠殺其所部爲盜者 僅遣 以審 而死七人 死下錦衣獄至 坐 俱焚之按 察院 理瑄 人造意 所

7

世宗末年籠縣滋彰上下相蒙無聞以贓吏上聞者至 嘉靖四十四年巡按御史浙江黄廷聘同籍過衡山 都察院前三月滿日以聞至九月始釋柳降為廣西平 南典史以御史杖 月<br />
市死命錦衣訊之下刑部獄擬贖杖還職上命枷於 臺省 石擅權專右武人以至臺臣僇辱至此 且至三月較之兩指揮殺多命者何啻天壤益是時 **唐編湘海下卷主** 御史墨敗 月御史何楚英巡視光禄笞作奸廚役朱辛 一廚役且死在保辜限外何至荷 重

以仁侵匿鹽銀千餘 官吳維京為捕獲得之其中皆金寶且有簿 穆宗初年屯鹽都御史龎尚鵬疏劾淮揚巡鹽御史 明發其狀上 四十五年給事中何起鳴追論巡撫與陽都御史陳 御史按江 知縣陳安志陳怒發其篋得 敷萬 謝 始還之其事傳聞入都掌院左都御史張 | 命廷聘冠帶開住臺長可謂能舉其職 **一亦命革職閉住葢以省垣糾西臺也** 與前兩事 西歸家過崇安縣亡其四囊建軍府 兩宜合先革職聽勘上允之是 金銀諸物甚 彩廷 扇載

院右都御史辛自修疏劾巡视下江御史沈汝梁 貧肆 部獄遣戍追贓葢以舊屬吏新臺臣發同官穢 子装品が用量したこと 追 同 同 寅自 論 至辛卯年原任江西廬陵知縣 辰年御史李天麟 加重葢巡方不檢固自 巡按江 主事馬 盈 許較前事更大 鉅萬次年大計以貪例斥為編氓是兩事 西 贓遣成此以堂官参治臺臣正與張 猶龍往勘得實乃命從騎逮大舟至京 又劾大理丞原任御史蘇衛按 御史视大舟臨行票取多贓 取之而蘭臺 不同而主上 新任試御史 處分亦較 體面埽地盡 藃 扶荔山层 錢 狀也 永明

巡視倉糧為表 御 御 永 體 史劉洪道劾罷又宣德末年英宗登極御史劉楨 史鄭蔣侵欺物料受匠吏銀兩御史廖文昌巡 國初臺 擾害軍民命逮下獄及御史孫純鄭夏劾御史胡 亦近於厚 互糾 臣已 京御史 相評 兄千戶納糧囑託狗私亦下法 鄒師顏劾啓監察御史白春 如此近日有臺不攻臺之說雖 词

嘉靖六年丁亥大計張璁以兵部左侍郎為北 糾桂萼以禮部右侍郎為南科道所糾雖俱奉旨留 憲宗無之尊及以成化三年八月憲綱載其事 何 四 言為然命吏部勒科道互相糾拾時考察內六科已 例 趴 獲編補遺入卷三 聽吏部再考於是吏部同都察院考上不謹御 材浮躁給事黎 一一道已去十人矣科臣王俊民道臣劉隅等 恨甚尊乃疏謂楊廷和私黨猶在言路引憲宗初 於拾遺後互相糾察吏部謂此宏治十七年事而 良御史王道曹宏上 儲良材一人罷職閉 耋 命黎良留 扶荔山 4 用

丽 一奇被 文莊素黨廷 嚴 中 為楊 部院掩覆 孟春署部文莊署院也上責部院不持公論 察乃 劾勘 Ĭ 廷 批出兵科 叉疏救良材 良材素行非不謹者今以不 和所恨今吏部左侍郎何孟春右副都 叉 上四 問不引避各 hi 和 初考止 以無關係者 人被滴 將 都給 引 用攻議禮之臣仍主大宗之 怨遭誣去非其罪上從之 鄭自壁 而止未 降 為解 級 幾良 殊負委任 調 門三爨 不動惟 此 調 再 命 御 報 論 郎 胎 事

則 當 而降 張柱 不惟柱萼恣意妄引而何孟春等亦情然典故欲 於吏部所引宏治十七年例則更無之是年惟給 萼所引成化三年例亦不然是時惟延綏巡撫鈌 吳蕣等論馬文升等不當為御史所劾因 近三月二十 田命互糾 方張之焰難矣內計大典似此顚倒披猖書 降 初 八戟 而留是終無 不嗛者附 手追詈權 以要必允心雖很而識則陋 .... 時外補者七人初非考察拾遺 奸且萼始終引楊廷和及 **以報私怨耳然則奚** 人去位出作 内 批 滴 一 -= ; 八以考為 扶荔 罷蕣職 利 例 山房 然

則 登之章疏如科 字供嘲謔 之為齊 讒 节 求 卯冬之 因 口造 姓 近 介倉之 者然未 人齊 言為 日左 言官追 名 謫 者 通政徐申者吳人也初名申錫 保 臣齊世臣 敢達. 古痛 山吏 名 論 裴 之以爲逢迎同里申王二 恨近 度之 吳縣之 艺 科 起 都給 天聽 初保張居 貅 日儇薄成 事連 同 衣坦 意年來 有陳姓 腹朱郊 正再保 巧 俗 而刻 慣 亦有串 者 此 相 峪 灵 則 陷

初 宜專委內官抽分崇文門宜合本門收鈔內官兼管 腳 殊死固宜但未必果出於皦生光耳 分司商貨販到積至數多方命抽盤不無停帶張家灣 **不意朱乃國姓而聚者更也穿鑿矯誣惑亂遠近** 郎倘或厲民若行願言貽害無窮矣是時三楊在 佐號為清正甫去位而御史輒有此等建白時王 但戒所司勿滞不必專委內官事竟不行當時臺長 統二年五月御史鄭顒奏張家灣宣課司及崇文門 聖る三月は月まり、こと 柄臨奏非結交近侍而何今崇文門稅課屬之 御史阿丙侍 夫第山

戻 閣 政務歸 忠介爲房寰所論列憤極上疏辨析其詞甚激房: 年巡按雲南御史郭瑞奏鎮守太監錢能剛果有 疏攻之以鄙臣挾忿妄辨大肆鴟張爲名其他所 故尚能杜嗣萌但不知此御史尚堪處班行否成? 足被率也未幾御史戴縉之誠汪直此已見其端 斜利 |疏譏謔 聞 今能有疾恐召還京師乞聖恩憫念永合鎮 而已能之稔惡天下所恨瑞以憲臣奏保 不廉諸說俱不必係准其

矢口笑謔者最堪捧腹今節錄於後 請舉 瑞謂臣論其一言 及瑞之舉動者日貴堂鈴放告受狀不見發行 司業習 爲嗤笑瑞豈以是為一 鍾宇淳宇淳批其牘尾日海外奇談叉送監生到國 生且將中庸君子素位而行 子監合祭酒黃鳳翔責治鳳翔批其來文日本堂先 一實之可乎瑞為順合兵馬可申之於給事 孔教會見其屬官屠謙陳文衡等座中有 間借瑞而供談笑者何可勝數臣 一動無不爲士論所嶉笑者之 一臣褒美之詞耶至於諸臣 一章與他講解几此皆 日催 問

道 疏 則 ) 將成竭 論事可矣何必程 | 抬擬甚是苦事臣語謙日老法家 日之間臣終未敢信之謙又日近日又要我改 近 固即來自終日杜 日他要行我四 何 衙門職掌所以沒奈何只得住了臣 日為之文衡 何爲交衡 道卷干 心思於匝歲之人而效之速能計治安於 日在家讀程策臣 司執定不肯說問理詞狀原 策頃瑞所陳 門熟讀程策而有得者也然疏 日要條陳笑日要條陳不過 日讀策經 日治安天下 叉問 於此 財 協 山 長 獲編補遺尽を上 此 虚名也此皆臣去年八月回京之時所習問於諸 微開人多然你每只將殷正茂與沈汝梁兩箇來 與言及瑞之爲人二 何狀應日此老大概好異作事多不近人情居家 者皆如此近過蘇松會撫臣王元敬按臣鄧錬又相 題目教人怎做習孔敘歎曰此老不出反獲盛名 供問罪就是了題內又有漢汲黯秉公出首被微 **知府重責二十汲黯氣憤不過抱石投江而死如** 有福建者 出露出許多本相此見造化之妙不容人竊取 日諸吏俱不喻其意吾室翁曉譬之 一臣皆自廣東而來臣問其居家 E 扶荔 取

時 幾房亦外轉副使以去大抵忠介之清冠絕一 **言惟諸顧彭三進士合疏攻房保海卒不勝而見逐未** 既殺而子亦無天道或不可盡爽也 妻女有可出可殺之罪否日如有可出可殺之罪 數日吳起殺妻易牙烹子斯其人歟柰何世之賢 **考嘖嘖耶今滿已耄而妻方艾人欲固無所不** 出之殺之則賢者之能事非所謂不近人情矣臣 而易其妻無故而縊其女是皆異常之事臣問 一一四年之七月疏至舉朝駭惑俱相顧未及有 活騎 以清律 至形之謾馬 時無端 愐

情內云曩者吏科都給事林聰奏儿京官非與機要者 舻 景泰五年吏科給事中李秉彝上 父母如路人子道既虧臣節安在其時已蒙俞允今又 予にを三明相はこ 父母喪悉聽終制不必奪情或有以奪情為善事 言事 稱房言雖不盡誣但謂海迁憨則可乃曰大 沈維山参房之疏亦至 堪然間其名不散抗惟房首櫻丁鋒遂有潑皮 日穿窬則失之矣宜三君子之不平也不數日南冏 疏論奪情 2 : . 一疏止左通政工 三 扶荔山房 好日 兣 極

劉文泰先任右通政官太醫院使以投劑乖古 男 臣非後生所敢擅議此事亦完璧之瑕云 合復奪情復發身科第名教中人又非職典機務者 憂歸里左旨行取來京林亦有疏請終喪然 收 以中丞典機要可視父母為路人 即赴任矣然當時倘有以前疏質之者林何詞致辨 京職 劉文泰 回綸命上 可謂正矣至天順三年 不允秉彝所引葢林聰先一年疏也其 則林聰已為右副都御 /加林 莊敏 一辭 不

書之理上乃命翰林專修其書而太醫官不預葢文泰 自修取囘詞臣以太監張瑜主其事文泰因此益與瑜 **另奏以為已功因有此議也劉健又力爭臣等職在論** 翰林官任校正閣臣劉健爭之云豈有詞臣爲醫士 宗爲給事中韓重等御史陳穀等交章公疏多劾孝宗 相表裹於是拨引專侍禁中遇上及中官有疾無論 **曾得故大學士邱濬所著醫書俱在十三科之外者盆** 命降為院判至宏治十六年上因本草訛誤命官改修 以劉文泰等充其役而文泰等於本業實情然乃請 理難侵越太醫院官數多宜令纂修上又改命該院 **慢偏補指入公**丁 扶荔山房 校

泰族投 以慰先帝在天之靈上 泰藥不對證宜比諸司官與內臣交結作弊扶同奏除 信 俱免 御 斬上允之於是南北科道劉蒞等咸謂請速誅文泰 瑜向與文泰為好叉薦文泰纂修本草先帝不 俱合文泰直入矣乙丑之夏上 〈泰及 死遣戍史云是時大臣暱厚文泰者故不 大熱之劑煩躁 瑜以故不行遏止比武宗登極法 27 - . 孫而: 一僅 比他律因得為後日解脫之 相也文泰 不堪以至上 報問而已久之二人苦辨 | 賓葢孝康| 朝 用 豫 地

**光祿少卿馬從謙嘉靖間劾提督光祿太監杜泰乾没** 加 內帑數萬泰亦,誣從謙誹謫不忠上信而怒之諂杖 一譯言從謙實調先帝死有餘侈上竟抑不許直至 之辛卯從謙之子馬有驊額請甚哀上始命與他祭 悉荷褒邺言官建白屡爲馬請恩典而中官輩追恨 即斃杖下葢馬先有疏彈相嵩留中不發至是嵩 **可磔不足償竟免於死若其誣陷王三原又不足言** 馬從謙 石其死可謂至冤及穆宗登極凡先朝忠諫得罪 畫

按亨以廚役得官盜竊固其長技然有罪之後至正統 尤麻寺大 十八年光滁署丞茅一柱盗署中火腿為堂官所奏 貪饕如此論法難容姑宥之此正統六年時也至萬 年十三年兩以戶侍郎充廷試讀怨官又廢子 命送刑部追原物問徒爲民兩事略同而處分略 肉及麵食為私用上 書舎人十四年亨以八天乞免朝参但出视事上 邮尚未之及 官署丞張冤奏本寺卿奈亨借供祀盗取 |命亨對狀亨具狀| 一日爾為堂

木偶釋褐版曹者又視簿書為脂地漫不留意其在外窟穴其間那移上下盡出其手且精於握算視官長獪 算學亦書數中要事而於勾稽錢穀尤為吃緊本朝定 許之亨之厚顏不足責而思寵之濫亦甚矣 此三處士人不得官計曹然戶部胥吏盡浙東臣 歴法 講之故惟朱崇军三年特立算學其業以九章周史 以浙江及蘇松二府為財賦之地江西土風譎詭遂 度編制型不管二十 · 社者亦持籌不知縱橫任其下爲谿壑皆坐算學 算學 扶荔山房 奸

風后大撓 以文宜王為 オデオ 公史蘇 **背著名算數之** 2 ---周與單處樊英郭璞何承天 石 申鮮于妄 **一徒父** 隸首容成箕子商高常僕鬼臾區巫 5 = 觀 天文書為本科 師 • 1 人給像於 兖鄒荆三 中命算學如庠序之 偃 梓慎 國公配享十哲從 兩廊加賜五等之 楚邱史道 曹 邱建夏 少堤 占 三年

起達而沖之殷能信都芳言迴耿詢劉綽劉炫傅仁均 學諸生有能通九章周髀者乎朱人識見固非冷世所 背為本科則兼通歴學有碑世用更大今日欽天監世 閱與鮮于妄人俱同定太初歴者而所習亦似以天文 陽甄 鸞盧天異九人封男其後又改黃帝爲先師且試 及〇按廣典故云以貲為郎非貲財也貲即訾字訾算 一孝通瞿曇羅李淳風王希明李鼎亦邊問郎襄楷 與太學三舍同以上舍三等推恩其重如此又洛 司馬季主洛下閎嚴君平劉徽姜岌張立建夏侯 而算之士人挾此技効於官及格者酬以職謂

也後 重正不始於朱季矣 **太極本無極自朱周子加以一** 大儒吳康齊每對人輔以兩手作圈勢自云無時不大如圈人遂云今乃知太極之為物區而中空而本 佞倖 太極浮薄者遂以蘆菔投其中又有 郎漢世自有此 世誤以為納錢買野如今開事例耳然則算學之 太 極 1治罪云 衝破太極又有作太極訴冤文者 途如張釋之司馬相如之屬皆是 **圈其後迂儒鑄太極** 顯官以隸

河 道 至此 **進編前費**於二 南鄢陵人 歸其後張永西征還京過湯陰燧敝衣破冠 化 振大喜升為戶部左 兩 七年始 可痛可 武 卿之 以獻葢 帶跪迎於 劉容者為吏科都給事中路遇 進 卒 根 緬 房中術也上 河南湯陰人李燧者歴官 鉛相餽遺登之 侍郎後 何至 大 喜 進 升戶部尚書致 9 進侍 牘 E 燧 扶荔 因 部 振 郎 情 跪 尙 加

巡 **譴燧得諡恭敀崇贈太保後僅奪易名而巳** 9 何名 按 南幸至楊文襄 御史李東急命常州知府李嵩 至京師吏部薦之召復故官再長冬曹叉十 正 ガオン 德 命問抵償緊常州府獄芝尚未娶而駕行已 日楊芝賜名日羊脂玉命從駕北上芝妻父朱 進之術如此然皆功名始終老死林下 嘉靖七年始卒二人俱起中州以甲杨位六 歌 9 = 者 清家有歌童侍焉上悅其白皙 喚閔出獄免罪歸 11111 不罹 迫 卿 訶

諸 子 作を三明竹はまり 兄二二 由詔命而自宫為私白本朝無此名今聖語云云必從 此優竟不召同為歌童而幸不幸至此〇按唐人 故有此諢名上笑日頭旣白不 知腰間亦白否逮上 白爲對葢本代府院中樂部鎮守太監借來供應者 間為內侍後進太監鎮守陝西此則與唐太宗闡 冊得之者〇宣德間漢府軍餘王敏善蹴鞠宣宗喜 羅黑黑命教官 / 璃遂閹之葢慮聖意或欲呼入丙廷故有此問後 出宣府有歌者亦為上 琵琶事相 一所喜問其名左右以頭 類 扶荔山屋 謂

如魏恭簡 進種子秘方高文瑞南字為禮卿時則撰元文叩 風 聖太后尚無恙也鋐元惡大憝亦何足責柰何阿諂 即 嘔噦 論芝 俱著在耳目比之蔡君謨之龍團寇平仲之天 題陵下至廚役王福隨全等賤隸亦尤而效之 子無一人以為可者惟汪鉉獨主遷移一 時號為正人亦獻諛希龍有中人所不為 莊渠因桂萼引用得以祭酒侍講筵則託桂 議 風披 即賢者不免謂非張桂作何 倡之至稱宗至入廟配上帝 一說則 書

生於土 其色不同其味亦異然皆云人服輕身王充論衡云芝 生文選云煌煌靈芝一年三秀漢舊儀云芝有九華金 野獲編補遺べ卷三 鶴鳴三茅齊雲諸山及五岳叉訪之民間於是宛平縣 色絲葉朱實夜有光黃帝內傳云王母遣仙人歌萬年 神芝圖十卷其條對甚析上詔有司採芝於元岳龍虎 長生之曲授帝以石圅玉笈之書會問風瑤池之上 今可得否尚書吳山對云本草論芝有黑赤青白黃紫 新站而辰八月上問於,戶下用芝草八藥當求之何所, 張巨佑首得芝五本以獻上悅賽以金帛於是臣 一士氣和故芝草生瑞命記云王者德仁則芝草 **扶荔山房** 授

銀 及名山所采獲鮮芝巳千餘本直至末年王金獻芝 為器進之可得長生於是主事王健等以采龍延出 聖作召爲御醫煉芝爲藥雜進他不經之劑致損 學陶仲文等言須與龍涎香配和并得礦穴先天真 能歸葢借以飾昔日之逢迎也此吳山爲江西高 旦以日食不及分數當免救上欲臣下稱賀山 仙後坐子殺父律論制最後貸出當煉芝時用 政 王槐等以開礦出保定撫臣吳嶽等獻金銀 接踵乐芝 天下矣○、吳山為禮部尚書時值辛 使 亦 四 月禮部類進 西 顧

**野愯編補貴へ & 三** 孝孫周忧進爲司籍沒御史錢昕所目覩葢委曲以從 宜展布及振死虜中景帝命籍之得 爽分寸因大喜凡有奏請其批答無不如意以此得便 刑部尚書直隸吳江 內室廣狹長短命松江府織絨地衣以魄振鋪之 督撫 (襄忧之撫) | 謪兼用時王振新建私第文襄密介人規度其屬 周文襄 初諡文端非 一南最久功最大 撫臣進白冤者然其 三吳人至今德之然 金觀音背鏤 扶荔山

織成地毯 災地造白檀亭子會親友落成之先是璋潛度其 見解耳〇前平此則唐李璋為宣州觀察使時字 趸 如其式槍愠謂採其陰事因事竄之幸王 1 日以獻後收敗璋亦得罪葢藩臣以地 一种鄭剛中縣其匠慎量廣袤造 一裕之於 即史

鋲 推 張漸翰林學士席春祭酒林文俊編修張家獻頌禮 :郎港若· |教修撰姚淶獻賦修撰倫以訓獻歌 侍講學士 上之一刊 **冤都御史矣嗣後則十二年河南橅臣吳山** 及禽獸從此進端 臣貢瑞取媚自嘉靖八年汪鋐獻甘露後所僅 明 11 1 20 20 11 **鐵侍講學士蒸昂獻詩禮部尚書夏言少詹事** 加出語 水獻演雅侍講學士廖道南侍讀學士吳惠 世庫 郭 維藩以獻賦忤旨詰責革職閉住葢 呈於兩官太后前百官 一解以菲薄不敢當再請乃許 物者接 **睡若宋滄者亦可** 表對於是更舒 皆優的褒答 扶荔山 呼 部 撫

錾各以白鹿呈瑞詩為獻上皆優答是年 又有應 里 獲孫 神道一 笼 **俱係宗室不足道也然他日** 陳軾獻白쟾上日白 詩三章美上 靈 而掌詹侍郎顧 縣 著 有十六年之 る尽 史不絕書終上之世蓋肇於朱滄云〇 |謙沖之德上益大懌然四方撫臣 刚士 徽 一端鹿兔重出不必舉獻汪 則獻樂章輔臣李時方獻 兩宫受賀如前 削潤自 厚爛 十七年之伊王 |厚烷後吳山 一鋐等 一典様 鋐 獻 橅 禽

羅汝敬初為吉士被文皇帝召背誦古文不能稱旨謫 野樓編補置水卷二—— 能治身以取罪朕特屈法以伸恩有而復用仍往總督 涎 王厚燽進白雁 不數月王亦薨 吁亦異矣 遇有訴訟重則付都司布政司按察司及巡按御史究 **祭御史受宜宗知超為工部右侍郎往論交阯黎利以** 成江**西越數**月名回釋之壽權修採升侍講坐事降 利設女樂不悅盡碎其飲器黎懼遺使馳謝尋提督陝 西屯田受指揮傅敏等金銀器貂鼠皮事覺論絞追贓 官未幾蒙思宥充為事官再往俠西賜之動日爾 羅汝敬 **扶荔山房** 

際亦不常| 坐 謫戍<br />
交<br />
世<br />
果<br />
爾<br />
則<br />
更<br />
奇<br />
矢<br />
汝<br />
被<br />
曾<br />
為<br />
侍 御 局之左室命賦詩三十韻始啓之 **不羈士 也** 斬 撫陜 史尚承受撫臣詞狀如屬吏亦可廢祖宗 撫 則量情責罰汝敬甫脫 令再獻 陝未幾又以妄 坐殺兩謫成又以貳卿善去得飾終之 云弇州奇事云汝敬爲古士時曾充 以老罷歸卒於家計聞與祭葬如例 在 俠 引例復職坐斯屢疏稱 有勞宥死成赤城衞再起 膺重任如 卿為 **頭詩成** 刑部 時 此 典遭 妆 英宗 制 敬 度 巡

有嘉湖兵備無錫張子仁 **烦縦共舎人子為不法張乃法繩之長公爲 宰鹏仲子兄弟凡五人每訴詈之日吾儕俱曳白** 司道 松兵備廣平蔡國 工居家與蔡同侍講席者出為排解屢以 獨叨甲第少參不堪其凌訴之兵使時太宰 監司創勢家 | 吾此舉正深爲相公也不如此徐氏不 **方**第華亭沒其產成其子時陸五臺 熙華亭徐 . 吾郡吳少參紹同年也紹為 巴 扶 牆誼 安同 荔山 動

勝忿相繼死迨蔡斥去張調任方解二 談於榻前時正苦久雨忽問日君居鄉間農 縱橫問巷県沸者浹歲華亭幾欲投繯吳太宰父子不 福 有名不 人以愁霖妨穑事為言吳日 無奈當之者難堪耳〇吳公偶病不出先 紳輩尤其已甚 頓 不安兩事俱在 額 於邑合禾郡 語是且不久矣 圖 賴 租債地耳先人 張日 一時松嘉又接壤刁詐四 為諺日有眼 吾此舉深為太宰 賅 不曾 公則具為兩家 見太守跪知 也 品富 起風 此

快密問童子知出主人意乃大呼日龍山眞聖人 未解男色也主人素念其憨乃合童子善淫者乘醉納 第館於糊州南海董宗伯家賦性樸茂幼無一 **共並夢中不覺權沿驚醒其童愈嬲之不休益暢適稱** 用齊汝礪吳之崑山人文名藉甚舉南畿解元人未 慶編補貴人民三 不絕明日其事傳布遠近怪笑龍山爲主人别號自 都之說即患怒變色謂此禽獸盜丐所爲葢生不 入輒告歸主人知其不堪寂寞又不敢强留微及龍 周解元淳樸 扶荔山房 一色在熟 八數十

同生贈妓作一詞末句云任他百般打罵百般养也只 委媒乃爾此君雖有才名其如風雲氣短何沈未幾以 是書生薄編難消受余謂柔情亦吾輩佳事何至卑下 吳中才士好為小冷不過閨產煙粉中語吾友沈祖量 是遂術於男寵不問妍媸老幼必求通體其後的 当ろまれるシラニ 貨幣早世 婦女 王竟以好外羸憊而 殁 沈祖量 命情以市受小

官 為御 宣隱忍 若行於今足使士紳之妻慚懼不敢恣但恐貴 贖 艫 獲編 杖 宣 部 得全 卿歷憲宗朝甚被眷注上作連環詩以賜之以 仕歸家後妾生子臣之鄰家其妻又來搜之 史時更化之初宣建白多可采上目屬之立拜鴻 致仕左侍郎楊宣妻王氏素妒悍杖殺侍 刑部杖之五十使知所做此成化末年事也此 致 能 補遺不各三 不敢發耳〇宣直隸新城人進士起家天順 此其妻被 制東厰 日王 上其事命逮治刑部擬贖如律宜 一氏雖命婦例應納贖但肆意殘 以後事也宣 ţ 至宏治十年始 睪 扶荡山 臣如! 婢十餘 储 楊 則 例 初

惡行況以妒殺 月朝審諸 毒之不死用鐵椎撃其腦朱懼自縊 死當治罪有司以敬妻曾受封為疑上日婦妒已 離異〇宣德六年御史傅敬妻歐妾中其要害妾 寒其口鼻以棺載出復活事發上 以無子娶妾遭妻悍妒毆之初恐絕嗣今顧宛 如婦長氣矣果育然書可於遂得不死〇元 年泗州知州許嗣妻孫氏妒妾朱氏有娠 囚有殿妻死者坐抵償時禮部侍郎尹直 人其惡甚矣命罪之如律成化十二 乗以縣牛狗部中論 死復以石壓 一命杖孫氏 年 自 共

為更娶 僧官常琇者拜故南和伯方瑛爲父因與修武伯沈 等交好琇至各家飲俱設妓樂比更衣即與妓亂又通 丞龍閏娶方瑛妾許氏為妻事發上命離異閏送司 瑛姜為其徒所告詔下錦衣衞獄以琇奸義父之妾杖 妖禿或配淫關俱徹聖聽亦可笑矣此俱成化 治之彼瑛生前屢為 百充鐵嶺衛軍煜停滌戴不巾閉住及御馬監左 南 和 伯 安 大帥頗著勞績而身後姬侍或 監

永 放 創 畿輔 閒暇休息不奏事有要緊的事明白寫了封進水 燈 業平定天 七年正月十 兀 夕放 從他飲酒作 務 逕成法 生事 燈 日至二十日這幾日官人每都與節假 如今風 四十 **永為定例恁官** 樂快活兵馬司 B 欽奉太宗文皇帝聖旨太祖 餘 調雨順軍民樂業今年上 年 禮樂政介都 八每更要 都不禁夜巡者 已備具股 扶 荔 元 開

宣德 兢惕 **野腹層帯豊く 笑こ** 時若年穀遂成喜與臣等共享太平之樂今歲維 **股恭膺天命嗣承大位** 例請旨許來年新 屆節特賜百官假十日凡有機務重事封進來問 官員軍民人等不許因而生事違者罪之永爲定 俶買宴增三日之外叉展二 遵成憲以撫天 故事張燈飲酒為樂五城兵馬弛夜禁但 例皆載 在介甲每至年終禮部上疏拨 正民間放燈几十晝夜葢比之 欽奉宣宗皇帝朝渝文武建臣 仰 下賴上天垂佑海宇清平雨 惟祖宗利建守成之 日自 旦 扶荔山 ) 艱风

重 定 夜 觀 水 Ŧ 價各 堂 犯 平 好無人 裏 | | | | | | | | | | 屬俱 八輦| 占 部 明年 燈樓 放假 腭 都察院官 心也其時 胎 訶詰 1 下 繁富 遨游 平佳 尺寸隙地僅容旋馬價亦不貲 减售觀矣葢聖主游 正 如 五年 至 若 話 朱汴京春 南官試士大半鱗集 及 百倍 侯 朝 也余兒時月 孙方 未怡 門戚里貴主 覲 外吏舊皆有 如紅錦 燈市之盛日新 覩 九十 堆中過 繁華至今人 二端則 呼朋命 禁 九年 初至 係 微 月異 先 似 伎 服

宣德二年尚未有顧佐之 **脊夜召羣臣悉** 據其與吾輩周旋必麻瞎跛禿之屬令人猛不堪耳為 公輩真神仙不如矣時黃以外吏詣部候考惡乃振聲 偶與黃貞甫談及官伎余謂若循唐宋及國初故事則 大噱〇宣德 不可不可果如兄言則曲中佳麗俱爲吏部科道 非常例也 · 娱則燈樓之盛尤為奇豔士生斯世初 赴御苑觀燈至五年入年亦然此又 四年正月朔特賜文武節假二 〇按文皇帝朝正用官伎 何多幸 扶荔山居

過 新時物以問禮部言宗廟獻新及奉先殿歲萬品味不 世宗初年革內府鷹房諸鷹犬合放 豹房畜土豹 **有鷹犬或間以奉薦然非例也請** 、年鷹房內臣又以祖廟獻新奏請存留盡以禮 鹿雁兒豬鵝鴨雞等物載在會典掌之太常後因畜 依會典罷去至嘉靖十年兵部覆勇士張昇奏西苑 石占地十頃歲租七百金其實皆典守內臣侵牟 內府畜豹 一仍谿壑其中也上嚴旨不許且命禮部查議 一隻至役勇士二百四十名歲稟二 切罷之上納其言 幾壽矣至嘉靖 祀 獻

洪

武

二 報 在 可 虎城者不可枚舉陷大官之奉皆民膏血知矣余近得游苑中見虎豹之檻者及牡 上從之 -三男士 醉仙樓而五樓則專以處 樓於江東門 一十七年上以海丙太平思與民偕樂命丁 而 一按內廷鳥獸之畜所費不 四十人餘還營差操仍 設官醞以收榷 增 外 五樓至 有鶴鳴醉 是皆成詔賜文武百官鈔 行酒歌妓者葢做宋 仙謳歌鼓腹來賓重 **温者及牡牝白 介該監察其奸** 貨舉一 也 ŧ 而他 世

子詩傳 部 刊行 猵 定 天下 無此 同 謝 馳傳 按 及 驛 諸 他 正之 儒 致 गा 湿 仕 注 徴 初 悅 助 厚 觀 此 至 與鄱陽鄒 書成 修 **蔡氏書傳** 命 翰 御 靳 傷書 權教 學上 林致 鉅 典而 季友 授高 劉三 士錢 編 所 賜 論 命之 星 修 字等於 **吾總共事** 讓等此一 張 間 韦 圆 秀 運 新 和 通 和 國 命

則 非之朵至永樂 歌妓之藪也國初臨川 朱文皇命杖逐之其人同生 THE REPORT OF THE PARTY OF THE 舞裙紆繡筵莫道知音少司馬能琴絕代 新開宴苑外鶯花叉賜酺趙女酒翻歌扇濕燕姬 有詩云詔出金錢送酒鑪綺樓勝會集文儒江頭魚 云輕煙淡粉梅妍柳翠而遺其 一人未可定也 禁歌妓 樓尙有淸江石城樂民集賢四名 年又有 揭軌以舉 地姓名又相似其為 此史所未載者皆 明經至京宴南 失 而五樓 荔

第儒 如 中以百僚 起臣有犯者至褫職迄今不改好事者以爲太平 居大院之 如薛濤 阿布思妻為女優之 學士 供客若官妓不 逐唐朱但唐以宜 \* 相違、 卷二 臣 **旋軍** 錫宴即舉子亦 劉采春之 得闌 |醉狹邪| 例設酒 而 入教坊此僖宗以後事非盛世之 價 屬 在 濄 《叨聖 類 | 春教坊|||地為內廷供奉之 乳以供宴享名日 M 不修職業為左都御史顧佐 非士大夫 京師 中第為商 一賜高會其中矣今南 守体應奉過答及 則無之宋世朝士各 (所得游至季年 賈所游集耳 楽 替妓共知

匠之 禁城北安門 官花之誘勘吏及南渡大儒之坐 且構送淨樂堂焚化不欲以遺幣污禁掖也其中 ML 三川山月 三十一河 こうこう **不知有十五葢因續建五樓其** 疾病者近 絕和能言動尚為攤錢博塞之戲爭勝曉曉開 佐 無名下官可依者遇疾且殆即徒入此中以待 安 (樂堂 疏保全士人實多〇个人但知金陵 酒與之种者仍 外有安樂堂為永樂士 來則與工 一近無涉惟內臣卑秩無私 有 属禁如秦弱蘭之制使 -五年所建以處 唐仲友皆是物 偶失其名耳 ! 失势山旁 或 地

今禁城 北門名厚載 即元武門 也相傳已久但一 爲怪亦無 世宗穆宗廟諱上 鈱 **妃鄭氏所居官名** 杨高 淹 原焚者 傳達安樂堂又轉致停尸房易朱棺再送火葬 官 內廷官人無位號名 不避諱 懸而內 人議及之者此等事 則處之 外所稱章疏所列俱公然直呼 一字上 地亦內中貴嬪所拾焚塚也 翊坤宫上 下通 而病故或以譴責死者 稱不避又如今 字即今上 解 一御名 字俱 皇 何

**香舊則云全眞道人邱元清以是日就陽故名閹九邱** 封三代殁於京師邱之 能辭遂自宫今觀其遺像眞儼然 初從黃得頑出家洪武初以張三丰薦爲五龍宫住持 事關珊未忍遽合取淹留之義似亦近之旣得之都 采而以煙火得名耳既見友人東中稱為淹九或云燈 有司又以賢才薦為御史矣上以二官人賜之邱度 日都中士女傾國出城西郊所謂白雲觀者縣袂嬉游 地布飲都人名為耍煙九意以為火樹星橋甫收聲 医石榴用品 人 正月燈市例以十八日收燈城中游冶頓寂至次 **| 事蹟甚著但自宮之日月不可** 嫗也後轉太常卿 扶荔山房

考然 謀長生也京師自 無虚日至端午射柳 始盛大抵以收攝精 集者 時腐其童稚者 業中貴人多以是 A 宗起於金海陵王中孚其後有譚馬邱劉之 和 京師是日不但游 不下數萬狀貌說異衣冠瑰僻分曹而談出 馬鈿 爿 1 A I 車 競受其補導之術至寺 此日後冠紳閨閣尋春遐勝繼 更番雜沓競出西閩水邊林下壺 則閹九之說亦似不妄全真有南 南郊 氣為主今弁陽具去之不 日散錢施療聞京都無賴亦有 人塞途 而游事漸歇矣〇魏之帝 而四方全眞道人不期 屬其教 何 榼

認妄而魏文之論失之 生計及娶妻諧費俱取辦於契兄其相愛者年過而立 見韻書葢閩人所自撰其 昵厚不得遂意者或相抱繫 契兄少者為契弟其兄人弟家父母撫愛如壻弟後 **尚寝處如伉儷至有他淫而告訂者名曰嬰好嬰字 能利用性** ₹11.1 風俗 波中亦時時有之此不 過年貌相若者耳近乃有 人酷重男色無論貴賤妍姓各以其類相結長者為 契兄弟 矣 也今觀邱 扶荔山房

諸妓妾 有所本嘉靖間廣西上並州士 其稱謂之故大不作耳〇南朱王僧達族子確 在新不見 其母尚盛年與太 恩因呼陸為契父事之 以男龍代之而館豪則遂稱契父因思孫恩在 於海寇云大海中禁婦人在 以父自居列諸 。 隨軍登海神好河亦隨今古變改即但 壯夫好怪 7 輒以多貲聚姿首韶秀者 平吃 監生者私通 小年於子合最為逆亂之尤 如嚴君其奪稱與閩 留之避不往乃於屋後 扣 |州趙| 師中有之軱遭 **人之遂留** 元恩者幼 與講

	والمرسوب	-	أجيبت بضيعتنا فالمناط
野獲編補遺卷三終			党忍如此亦 <b>閩俗之祖歟</b> 大坑欲誘確來殺之男色之嗜至不避族屬拿
医 扶荔山房			<b>哈至不避族屬尊卑凡</b> 近